

III. OUTRAS DISPOSICIÓNS**CONSELLERÍA DE CULTURA, LINGUA E XUVENTUDE**

RESOLUCIÓN do 3 de xuño de 2025, da Dirección Xeral de Cultura, pola que se ordena a publicación da Resolución do 3 de xuño de 2025 de concesión de axudas convocadas mediante a Orde do 28 de decembro de 2024 pola que se establecen as bases reguladoras que rexerán as axudas destinadas a centros museísticos da Comunidade Autónoma de Galicia, e se procede á súa convocatoria para o ano 2025 (código de procedemento CT110C).

No *Diario Oficial de Galicia* núm. 21, do 31 de xaneiro de 2025, publícase a Orde do 28 de decembro de 2024 pola que se establecen as bases reguladoras que rexerán as axudas destinadas a centros museísticos da Comunidade Autónoma de Galicia, e se procede á súa convocatoria para o ano 2025 (código de procedemento CT110C).

Esta orde ten por obxecto o establecemento das bases reguladoras das axudas destinadas aos museos e outros centros museísticos que formen parte do Sistema galego de centros museísticos para a realización de actuacións e actividades museísticas que faciliten a conservación, a seguranza, a documentación, a investigación, a difusión e, por outra, a convocatoria das axudas para o ano 2025.

O procedemento de concesión das subvencións será en réxime de concorrencia competitiva e conforme os principios de publicidade, transparencia, igualdade e non discriminación.

De conformidade coa disposición adicional segunda, apróbase a delegación de atribucións da persoa titular da Consellería de Cultura, Lingua e Xuventude na persoa titular da Dirección Xeral de Cultura para resolver a concesión, a denegación, a modificación ou outras incidencias das axudas previstas nesta orde.

Tal e como establece o artigo 15 da orde o prazo máximo para ditar e notificar aos interesados a resolución expresa non poderá superar os cinco meses, segundo establece o artigo 23.4 da Lei 9/2007, do 13 de xuño, de subvencións de Galicia. O prazo computarase a partir do día seguinte ao da publicación desta convocatoria no *Diario Oficial de Galicia*. Ademais, en aplicación do artigo 16 da orde de convocatoria, a resolución de adxudicación será notificada mediante a súa publicación no *Diario Oficial de Galicia*. Esta publicación substituirá a notificación persoal e producirá os mesmos efectos.

CVE-DOG: ckeos548-bjp2-s5a7-9zf8-fv4s39mc8nx2



Así mesmo, e en aplicación do artigo 17, serán igualmente obxecto de publicidade a través do Portal de cultura da páxina web da Consellería de Cultura, Lingua e Xuventude, <https://www.cultura.gal/gl/servizos> e do Portal de museos de Galicia, <https://museos.xunta.gal>

Unha vez instruído o procedemento e tras a proposta de Resolución do 30 de abril de 2025, o órgano competente emite a resolución das subvencións convocadas.

Por todo o exposto,

RESOLVO:

Primeiro. Ordenar a publicación no *Diario Oficial de Galicia* do contido íntegro da Resolución do 3 de xuño de 2025, de concesión de subvencións destinadas a centros museísticos da Comunidade Autónoma de Galicia, e se procede á súa convocatoria para o ano 2025 (código de procedemento CT110C), que se xunta como anexo.

Segundo. Comunicar que a Resolución do 3 de xuño de 2025, que finaliza este procedemento, esgota a vía administrativa e contra ela se podera interpor potestativamente recurso de reposición ante o mesmo órgano que a ditou, no prazo dun mes, que se contará a partir do día seguinte ao da súa publicación no *Diario Oficial de Galicia*.

Esta resolución tamén poderá ser impugnada directamente ante o Tribunal Superior de Xustiza de Galicia no prazo de dous meses contados a partir do día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Terceiro. Comunicar que a resolución de adxudicación será notificada mediante esta publicación no *Diario Oficial de Galicia*. Esta publicación substituirá a notificación persoal e producirá os mesmos efectos.

Santiago de Compostela, 3 de xuño de 2025

Anxo M. Lorenzo Suárez
Director xeral de Cultura

CVE-DOG: ckeos548-bjp2-s5a7-9zf8-fv4s39mc8nx2



ANEXO

Resolución do 3 de xuño de 2025 de concesión de axudas convocadas mediante a Orde do 28 de decembro de 2024 pola que se establecen as bases reguladoras que rexerán as axudas destinadas a centros museísticos da Comunidade Autónoma de Galicia, e se procede á súa convocatoria para o ano 2025 (código de procedemento CT110C)

Feitos:

1. O 31 de xaneiro de 2025 publícase no *Diario Oficial de Galicia* núm. 21 a Orde do 28 de decembro de 2024 pola que se establecen as bases reguladoras que rexerán as axudas destinadas a centros museísticos da Comunidade Autónoma de Galicia, e se procede á súa convocatoria para o ano 2025 (código de procedemento CT110C).

Esta orde ten por obxecto o establecemento das bases reguladoras das axudas destinadas aos museos e outros centros museísticos que formen parte do Sistema galego de centros museísticos para a realización de actuacións e actividades museísticas que faciliten a conservación, a seguranza, a documentación, a investigación, a difusión e, por outra, a convocatoria das axudas para o ano 2025.

2. Rematado o prazo de presentación de solicitudes, recibíuse un total de 33 solicitudes das que 19 son de entidades privadas sen fin de lucro e 14 de entidades locais.

Unha vez examinada a documentación e formulados os requirimentos necesarios, procédese a avaliación das solicitudes nas reunións da Comisión Técnica de Avaliación realizadas os días 10, 12 e 13 de marzo e 2 e 9 de abril de 2025.

3. O 21 de maio de 2025 a Comisión Técnica de Avaliación emite informe de avaliación segundo o regulado no artigo 13.3 da Orde de convocatoria.

4. Como resultado da aplicación dos criterios de avaliación obtívose unha relación ordenada de todas as solicitudes que cumpren coas condicións establecidas nas bases da convocatoria.

Fundamentos xurídicos:

1. A Orde do 28 de decembro de 2024 establece as bases reguladoras que rexerán as axudas destinadas a centros museísticos da Comunidade Autónoma de Galicia, e procede á súa convocatoria para o ano 2025 (código de procedemento CT110C).



2. Para o financiamento destas subvencións existe un crédito adecuado e suficiente na Lei de orzamentos xerais da Comunidade Autónoma para o ano 2025, cunha contía total de 200.00,00 euros (200.000,00 €), que se imputarán aos orzamentos xerais da Comunidade Autónoma de Galicia para o ano 2025 nas aplicacións orzamentarias 13.03.432A.760.4 (100.000,00 €) e 13.03.432A.781.2 (100.000,00 €).

3. O proxecto obxecto de subvención será cofinanciado entre a entidade solicitante e a Consellería de Cultura, Lingua e Xuventude. A axuda máxima por beneficiario que concederá a consellería será de 10.000,00 € por proxecto, que en ningún caso poderá exceder o 80 % do orzamento total do proxecto que se vaia realizar.

4. O procedemento para a concesión das subvencións tramitarase en réxime de concorrencia competitiva, tal e como establece o artigo 13 da orde reguladora, aplicando os criterios de valoración recollidos no artigo 12.

5. O órgano instructor, con base no informe da Comisión Técnica de Avaliación, tendo en conta as bases da convocatoria, eleva a súa proposta de concesión de subvencións ao órgano encargado de resolver o procedemento.

6. Correspóndelle ao director xeral de Cultura, por delegación do conselleiro de Cultura, Lingua e Xuventude, logo da proposta da persoa titular da Dirección Xeral de Cultura, a competencia para a adxudicación das axudas mediante a correspondente resolución, tal e como establece a disposición adicional segunda da Orde do 28 de decembro de 2024 pola que se establecen as bases reguladoras que rexerán as axudas destinadas a centros museísticos da Comunidade Autónoma de Galicia e se procede á súa convocatoria para o ano 2025.

Con base en todo o anterior e vista a proposta de resolución,

RESOLVO:

Primeiro. Conceder as subvencións ás entidades que se relacionan no anexo I e que se divide en dúas epígrafes:

a) Entidades locais que acadan a puntuación suficiente para obter axuda, ordenadas por orde decrecente de puntuación, unha vez aplicados os criterios de valoración e desempate recollidos nos artigos 12 e 14 da Orde do 28 de decembro de 2024.

CVE-DOG: ckeos548-bjp2-s5a7-9zf8-fv4s39mc8nx2



b) Entidades privadas sen fin de lucro que acadan a puntuación suficiente para obter axuda, ordenadas por orde decrecente de puntuación, unha vez aplicados os criterios de valoración e desempate recollidos nos artigos 12 e 14 da Orde do 28 de decembro de 2024.

Segundo. Aprobar a listaxe de entidades que non resultaron adxudicatarias tendo en conta o límite de crédito establecido na orde, entidades que se relacionan no anexo II e que se divide en dúas epígrafes:

a) Entidades locais que non resultaron adxudicatarias, tendo en conta o límite de crédito establecido na orde, ordenadas por orde decrecente de puntuación, unha vez aplicados os criterios de valoración e desempate recollidos nos artigos 12 e 14 da Orde do 28 de decembro de 2024.

b) Entidades privadas sen fin de lucro que non resultaron adxudicatarias, tendo en conta o límite de crédito establecido na orde, ordenadas por orde decrecente de puntuación, unha vez aplicados os criterios de valoración e desempate recollidos nos artigos 12 e 14 da Orde do 28 de decembro de 2024.

Terceiro. Aprobar a listaxe de solicitudes excluídas e as causas de exclusión, e incluír as solicitudes que non se axustan ao obxecto, a finalidade e os requisitos recollidos nos artigos 1 e 3 da orde, que figuran no anexo III.

Cuarto. As entidades adxudicatarias propostas como beneficiarias disporán dun prazo de dez (10) días para a súa aceptación desde a publicación desta resolución, transcorrido o cal sen que se produza manifestación expresa, entenderase tacitamente aceptada, agás que no mesmo prazo se comunique de xeito formal e expreso a renuncia á subvención concedida, debidamente asinada polo representante da entidade beneficiaria; se a renuncia non se comunica expresamente no citado prazo, a entidade beneficiaria queda comprometida a realizar o investimento, agás causas de forza maior aceptadas pola Comisión de Valoración e, de non facelo, incorrerá nas responsabilidades establecidas na Lei de subvencións de Galicia, segundo o disposto no artigo 45.2 do Decreto 11/2009, do 8 de xaneiro.

Quinto. Esta resolución finaliza o procedemento, esgota a vía administrativa e contra ela poderase interpor potestativamente recurso de reposición ante o mesmo órgano que a ditou, no prazo dun mes, que se contará a partir do día seguinte ao da súa publicación no *Diario Oficial de Galicia*, conforme a Lei 39/2015, do 1 de outubro, do procedemento administrativo común das administracións públicas.

CVE-DOG: ckeos548-bjp2-s5a7-9zf8-fv4s39mc8nx2



Alternativamente, esta resolución poderá ser impugnada directamente ante o Tribunal Superior de Xustiza de Galicia no prazo de dous meses contados a partir do día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 3 de xuño de 2025. O conselleiro de Cultura, Lingua e Xuventude, P.D. (Orde do 28 de decembro de 2024; DOG núm. 21, do 31 de xaneiro), Anxo M. Lorenzo Suárez, director xeral de Cultura.

ANEXO I

a) Listaxe das entidades locais adxudicatarias, ordenadas por orde decrecente de puntuación, unha vez aplicados os criterios de valoración e desempate recollidos nos artigos 12 e 14 da Orde do 28 de decembro de 2024.

Orde	Nome da entidade	NIF	Puntos	Axuda concedida (en €)
1	Concello de Parada de Sil	P3205800J	6 puntos	10.000,00
2	Concello de Pontearreas	P3604200J	5 puntos	8.566,80
3	Concello de Vilar de Santos	P3209100A	5 puntos	4.640,00
4	Concello de Burela	P2706800F	4 puntos	9.922,00
5	Concello de Laxe	P1504100G	4 puntos	10.000,00
6	Concello de Fene	P1503600G	4 puntos	6.081,92
7	Concello da Pobra do Caramiñal	P1506800J	4 puntos	10.000,00
8	Concello de Betanzos	P1500900D	4 puntos	10.000,00
9	Concello de Vilanova de Arousa	P3606100J	3 puntos	10.000,00
10	Concello de Baiona	P3600300B	3 puntos	7.782,72
11	Concello da Coruña	P1503000J	3 puntos	10.000,00
12	Concello de Valga	P3605600J	3 puntos	3.006,56

b) Listaxe das entidades privadas sen fin de lucro adxudicatarias, ordenadas por orde decrecente de puntuación, unha vez aplicados os criterios de valoración e desempate recollidos nos artigos 12 e 14 da Orde do 28 de decembro de 2024.

Orde	Nome da entidade	NIF	Puntos	Axuda concedida (en €)
1	Centro Recreativo Cultural e Deportivo de Baamonde	G27123611	8 puntos	8.131,20



Orde	Nome da entidade	NIF	Puntos	Axuda concedida (en €)
2	Diocese de Mondoñedo Ferrol	R1500019C	7 puntos	10.000,00
3	Fundación María José Jove	G15870140	7 puntos	10.000,00
4	Fundación Museo do Videoxogo de Galicia	G94202223	5 puntos	10.000,00
5	Fundación Benéfico Docente Fernando Blanco	G15290828	5 puntos	6.500,00
6	Asociación Mares de Cedeira	G70429527	5 puntos	5.029,56
7	Convento da Purísima Concepción Monforte de Lemos	R2700017C	5 puntos	7.937,60
8	Asociación de Amigos do Museo Vivo e Integrado do Campo e da Locomoción Agraria	G27495639	5 puntos	9.680,00
9	Fundación Catedral Santiago de Compostela	G70178603	5 puntos	10.000,00
10	Diocese de Tui Vigo	R3600056J	5 puntos	6.841,34
11	Museo Comarcal da Fonsagrada	G27029222	4 puntos	7.744,00
12	Asociación Padroado Museo Etnográfico da Capela	G15788631	4 puntos	2.952,40
13	Fundación Rosalía de Castro	G1504085	4 puntos	5.183,90

ANEXO II

a) Listaxe das entidades locais non adxudicatarias, tendo en conta o límite de crédito establecido na orde, ordenadas por orde decrecente de puntuación, unha vez aplicados os criterios de valoración e desempate recollidos nos artigos 12 e 14 da Orde do 28 de decembro de 2024.

Nome da entidade	NIF	Puntos
Concello de Boiro	P1501100J	3 puntos
Concello de Marín	P3602600C	3 puntos

b) Listaxe das entidades privadas sen fin de lucro non adxudicatarias, tendo en conta o límite de crédito establecido na orde, ordenadas por orde decrecente de puntuación, unha vez aplicados os criterios de valoración e desempate recollidos nos artigos 12 e 14 da Orde do 28 de decembro de 2024.

Nome da entidade	NIF	Puntos
Fundación Clúster Conservación Produtos do Mar	G36998896	4 puntos
Fundación Museo de Artes do Gravado á Estampa Dixital	G15798168	3 puntos



Nome da entidade	NIF	Puntos
Universidade de Santiago de Compostela	Q1518001A	3 puntos
Fundación Eugenio Granell	G15520422	3 puntos
Arcebispado de Santiago de Compostela	R1500020A	3 puntos

ANEXO III

Listaxe de solicitudes excluídas e as causas de exclusión, incluíndo as solicitudes que non se axustan ao obxecto, finalidade e requisitos recollidos nos artigos 1 e 3 da orde, que figuran no anexo III.

Nome da entidade	Causa de exclusión
Fundación Pública Galega Camilo J. Cela	Incorrer na exclusión recollida no artigo 3.1.a) da Orde de convocatoria

